



DEO OPTIMO MAX.
UNI ET TRINO,

VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICO - CHIRURGICA, *
QUOD LIBETARIIS DISPUTATIONIBUS
*manè discutienda in Scholis Medicorum. die Jovis vigesima-octavâ mensis
Februarii, anno Domini M. DCC. LIV.*

M. SIMONE - ANTONIO BRINGAUD,
Doctore Medico, Præfide.

An ut suppurato Reni, sic calculoso Ferrum?
I.



EN, extrâ capacitatem abdominis ad
lumborum projectus apophyses, ut at-
trahendo sero, sudoris urinarum & la-
chrymarum materie, dicatus fuit; ita
suscipiendis universi corporis excrementis oppor-

* M. JACOBI COUSINOT, anno 1622.

A

2

tunus. Hinc fit ut sæpè obstruatur, tàm à systrophicâ phlegmone quam quivis suscitât humor, quàm à calculo, qui omnibus quidem in locis, & in omnibus humoribus, sed maximè in renibus & vesicâ, ex viscidis glutinosisque succis con-crefcit. Phlegmone, ni resolvatur, quæ optima est ejus curatio, ad suppurationem promovenda, iis quæ calorem nostrum fovent & augent. Pure factò, ren ex nephritico fit suppuratus.

I I.

UBI substantiam ejus lapis obsidet, calculosus existit: malum non æquè pueris ac senibus frequens & grave, viris quàm mulieribus familiare magis, pinguiusculis quàm gracilibus, gulosis quàm parcis, Septentrionalibus quàm aliis terræ incolis, Parisiensibus quàm cæteris Gallis, nostro quàm veteri sæculo, hominibus quàm belluis. Neque ille tantùm in renis substantiâ, sed & in ejus cavitare, aliisque perigraphis pullulat, aliquando substantiam inter & membranam, interdùm in glandulâ capiti renis appositâ exiguo reni persimili. Sed quocumque loco, aliàs sine nephritide est, frequenter eam vel antevertit, vel provocat, vel comitatur.

I I I.

SUPPURATÂ phlegmone quæ in cavis est renum, pus per ureteres effluit in vesicam trahendi vi non destitutam, & ab eâ foràs protruditur cum carunculis, ramentis, & nonnunquam pilis. At pus si restagnet, nec per eas vias repurgetur;

quid moliendum, ne vicinas partes exedat acrimonia, putredine corrumpat, fœtore labefactet, nativumque tandem calorem extinguat? Apertio tentanda est ferro & igne. Pyroticum parti dolenti, quæ in tumorem elata est tutius admovetur, quàm educendo empyicorum puri: dein ferrum intrò adigitur, quousque purulentus humor eruperit.

I V.

CALCULUS quoque si exiguus, facîle subit ureteres, & in vesicam descendit, è quâ ni excludatur spontè, aut extrahatur aperto interfemineo vel pube, in ingentem sæpè excrescit molem, non animæ vegetantis, non stellarum, non virtutis mineralis, vel spiritûs lapidifici materiæ insiti, non frigoris, sed unius caloris acris vel mitis maleficio. Si grandior & asperior, qui in rene quàm in vesicâ pejor, angustii ureteris ostium ingreditur, atrocissimos dolores excitat, inflammationis & gangrænosis prodromos. Aliquando in rene diu delitescit sine dolore, non sine noxâ, quæ hæredibus interdum transmittitur. Hunc tamen ne lithonthrypticis minuere, nec speraveris cæcis ullis medicamentis frangere, aut foràs excludere.

V,

QUID autem si atroci dolore lancinat? si ulcerat asperitate? si fervidam intemperiem accersit? si penitus renem obstruit? si calorem nativum opprimit? Frustrà diureticis, aquis mineralibus, balneis, nephritico, judaico, spongiæ, vel alio quovis lapide, hircino aut leporino sanguine

exclusionem aut comminutionem aggredieris. Ob-
 turato rene, serum ad cerebri arcem raptum, le-
 thalem apoplexiam ac lethargum, ad pulmonem
 peripneumoniam & pulmonis hydropem, ad cor
 palpitationem & syncopen, ad jecur ascitem, atque
 etiam interitum inducet. Satiùs ergo pyroticum
 admove re exteriori renis regioni, quâ parte tu-
 met vel maximè dolet, dein ferrum ad renis ul-
 que substantiam nullo hæmorrhagiæ metu adigere,
 quò vel spontè calculus exeat, vel inventus ca-
 thetere, commodo instrumento extrahatur,

Ergò ut suppurato Reni, sic calculoso Ferrum.

DOMINI DOCTORES DISPUTATURI.

M. Josephus Lallemand.	M. Claudius Bourdier de la Moulrière.	M. Raymundus de la Rivière.
M. Petrus Poissonnier, Pro- fessor & Censor Regius, necnon Militarium Regis Nosocomiorum in Alsatiâ Medicus & Inspector Pri- marius.	M. Petrus Arcelin.	M. Ludovicus - Petrus le Hoc, Scholarum Pro- fessor designatus.
M. Antonius le Camus.	M. Petrus Chevalier.	M. Antonius-Nicolaus Guenault.

Proponebat Parisiis Nobilis THEOPHILUS DE BORDEU,
 Doctor Medicus Monspeliensis, Saluberrimæ Facultatis Medicinæ
 Parisiensis Baccalaureus, A. R. S. H. 1754.
 A SEXTA AD MERIDIEM.